

卓生先生存正

志首錄

卷一 地理志

前事志

鎮寧縣志

敬贈

卷之九

卷之九

集寧縣志

卷之九

鎮甯縣志序

余以民國三十六年七月杪自昆明任所馳抵貴陽參加貴州全省行政會議開幕典禮迨會議閉幕始按縣為巡迴監察於七月二十九日自安順行經鎮甯縣集官紳舉行坐談會詳詢地方政俗時縣長李君炳僑方銳意為治尤關心文獻謂正纂修縣志將以乞序於余是日因欲趕至關嶺行程匆遽未及索閱其稿逮還任所而李君書至謂縣志已成促為之序又以亟待付印未得原稿寄眎余自無從知其內容難於屬筆然念鎮甯為黔西文物殷盛之邦昔丹陽黃祿真增輯事統編所載安順府屬州邑之山川勝蹟於鎮甯州境為獨詳如州南之石溪白水州北之巢雲洞聲聲率率州西之永清樓

以連螺山上之飛雲閣跑馬泉下之仰止亭諸勝皆為外來遊人踪
跡所罕至而已備載於類書無非以州志為其根據今余於新志雖
未曾寓目第以李君任事之精審其主纂者又必為邑中淵雅之士
知新志之出其政俗文物自將更顯於世固不僅山川勝蹟而已爰
為序以塞其望並冀出版後得先覩為快也

雲貴監察使張維翰純樞序

鎮寧縣志序

史地之學吾國嚮極講求明清兩代方志尤夥二三碩儒之發
名實多資焉黔中鄭子尹莫子惇諸先生其最著者也乾隆間會
同章實齋創為州縣設志科之議尤有特識惜未見諸施行近年
國府訂頒各省市縣文獻委員會組織法及修志章則通飭遵照
昭代石文章氏之遺志得遂足以瞑目於地下矣良以方志之書
即今之所謂鄉土地理內容至纖且析苟非羣策羣力時加甄討
不足以蔚成大觀而興東西名邦之地誌再力競存且其肯在徵
文考獻鑒往知來固不以爭奇炫博誇一邑而耀一鄉為能事也
胡君羽高熟諳史治尤精史地之學車轍所至對於編纂方志弘

獎不遺餘力其在遵義貴陽均有所為而未獲觀成謝政後猶獨
力創纂本籍之三合縣志亦足以覘其志趣之趨嚮矣近又出宰
鎮甯取二十年間屢舉屢報之縣志力肩厥任不暮年而底於成
實非盛事哉鎮甯在同秦間為牂牁夜郎之域炎漢隸夜郎縣為
牂牁郡十七縣之一其時即有尹貢以名德起令守號南州高士
興母敏尹公珍同見稱于華陽國志此後唐隸琰州元建和宏州
旋改稱鎮甯州明設安莊衛清初乃併衛入州而移州治於衛城
氏國始改州為縣近代文物駸駸焉與中州並駕矣顧清代兩度
修志而迄未刊行胡君畏陞緒莫尋人文湮沒汲汲從事蓋有其
不能已者耶方今亦燄猶熾戲亂靡遑膺民社者自有其當前之

要圖然方志性質在紀前事之沿革述境域之險夷譜產物之豐歉
較人文之升降其有助研求而輔翼政教者實非淺鮮何可不視
同精神食糧而嗜如飢渴者乎於以見胡君之措施為不可及書
成羽馬已奉命調省由李縣長炳僑踵成其志商之縣人付諸刊
刷省參議員趙君瑞吾愛鄉情殷屬為弁言特書所感歸焉
中華民國三十六年春仲 萬縣李寰序

附識

本書編竟付梓後因物價逐日上漲致支出紙張印刷費
超過原預算二倍中曾數度停頓追加金款籌措維艱幸得
里人陳潤安先生熱心桑梓文化慨捐印刷費國幣壹百萬
圓始得復工後仍不敷其嗣君毓祥先生復續捐壹百肆拾
萬圓又楊紹昌段壽祺二先生亦各捐貳拾萬圓補助使本
志得觀厥成惠舉仁風彌值感佩用布拳端藉誌不朽

鎮甯縣志編纂委員會謹識

鎮甯縣志序

鎮甯為黔西重邑元州而清衛地廣物豐山水瑰麗宜其人才
簇涌文學武功咸稱盛於一時其人民見善如不及風俗純樸義
禮之垂訓忠孝之遺風吾民至今嚮往而勿替歷代親民之官大
柳學識闕肆治政務本昭著典謨足為茲後守土者所借鏡惜無
完備之記載以承先而啟後是以志書之修為務至切遜清光緒
初刺史李昶元首議修志州人彭鈺等勸助成稿凡四卷迄民國
廢州設縣縣長劉以莊羅駿超亦曾先後設局徵纂期於完善歷
時數載未克完竣事民國卅五年胡縣長羽高繼先達遺志復與
縣紳饒樊乾等十餘人組縣志編纂委員會數月以來勞徵博採

不竊譽刻今幸已脫稿矣夫前無紀載之書吾民猶能於故老傳
述中聞風興起是則今之規模大備文獻足徵不於治理之裨益
更多乎因陳顛末為之序

民國三十五年十二月袁世斌于貴陽民政廳

創修鎮甯縣志序

鎮甯縣自元至正十一年設治以來歷五百九十餘歲矣始置
州於大洪初名和宏旋更名曰鎮甯在今紫雲縣境明設衛於杏
納名曰安莊後移州入衛而曰鎮甯即今縣治名存實亡相沿至
今初隸雲南布政司尋隸四川布政司後直隸於貴州布政司今
屬貴州有政府就其信有可徵者經官一百七十有六任政刑德
禮相因損益有可得而志焉天無祁寒酷暑少雪多風地盡崎零
甌脫版圖如衲山有連亘斷脈之奇水有明流伏瀉之秀至於紅
巖白水石母大千天造奇觀馳名遐邇仰觀俯察有可得而志焉
名宦則有蕭顯陸東邵紹文石均等脩聲政績有可得而志焉人

物則鄉賢孝友文學武功義烈慈母烈女淑媛皆年隱逸流寓方
外仕宦技術莫不具備室邑忠信風流文物有可得而志焉漢夷
苗獠五方雜處漢人多緣調北征南來自中土故習尚無殊惟土
著之民其性喜負弓荷戈者謂之夷芟草力田者謂之苗以獵營
生者謂之北亦謂之羅又曰羅羅向為執政者岐視雖曰衣冠異
制言語異聲習俗異情然皆黃帝之赤子中華民族之宗派也方
聚羣分種風考俗有可得而志焉他如方城整潔冠於西南綜上
之說是皆可以為志者迴顧吾鎮甯之志則如何遍訪耆舊稽鉤
播籍僅有光緒初州牧李祖元登城紳彭君紅草創州志稿若干
卷迄未梓行民初安順續修府志邑中亦設局佐訪并期同時完

成縣志卒以故未果茲再至今又數十寒暑矣余深佩蕭相國初
入咸陽有以搜秦故宮圖書典籍為先務論者許為深得治本之
原故能佐開漢室數百年基業蓋郡國利病之所在庶政興革之
張本國猶是縣何獨不然下車之初爰師古意即措意於此集紳
耆父老而謀曰鎮寧可以無志乎僉曰不可地方無志固有識者
之耻倘使君能彌吾邑文獻之闕誠所願也不敢請耳余曰諾敬
聞命矣顧茲事體大非集腋成裘非衆孥不能舉重且膏論之述
方志有三難才也材也財也蓋得才難取材尤難籌款更難因聚
財與歛怨相因尤為難中至難夫鄭國以一使命之微也而以平
剗屬裨謀討論屬世叔修飾屬子羽潤色屬子產刻金鏤玉協力

鑲嵌孔子仍有才難之嘆可知登庸俊彥萃羣賢之不易一也
周禮外史掌四^方之志諸侯各有國聞如晉衆橋杞春秋四者皆備
而仲尼猶有闕文之疑可知考獻徵文輯錄盡殘之不易二也邦
國曰史方邑曰志名異實同章實齋稱志為史之要刪蒐羅縱橫
數百里之所見博訪上下數千年之所聞彙而刪之故才之興材
兩相並重然而凡事非財莫舉除才材之外又需財焉當此民生
凋弊之秋財用匱乏之際可知籌措經費咄嗟不易立辦三也今
持此三不易以言述吾鎮之志寧不難哉憂憂乎紳耆復又曰使
君但能提綱挈領起例發凡縱有艱難願竭邦人之力以赴余為
之鼓舞專案上聞得報可時組縣志編纂委員會延聘饒雲書魯

卓儒程序五需孟仁高文可徐中和曹紹周白承模彭鳳儀諸君
分任編纂復聘陳復初雷少齋趙瑞吾王樹滋楊濟川李蕃周伍
慶生諸君參與其議梁時中君專司遺民採訪周承勛君司駐省
採訪各同仁推介總其任而以饒君割之不自揣量草擬十五綱
曰地理曰前事曰營建曰經制曰職官曰錢糧曰宗教曰祠祀曰
人物曰民風曰民生曰物產曰庶政曰藝文其不能類屬而又不
忍舍棄者曰志餘以綱統目各得子目若干條幾經商討眾意愈
同遂定為例安順府志副纂黃克丞先生聞之馳書賀曰執事下
車伊始卽首重地方文獻儒史舉動固自不同佩甚但聞貴邑掌
故省志總纂任志清先生之令祖秋原公曾撰有鎮甯州志稿不

識使君有所聞否余詢之耆舊未之前聞遂勤訪之平無所得惟友人貴陽李獨清君珍藏極富鄴架中有道光末年鎮甯州志稿一冊惜無纂者姓名僅綴末一任知州題名為石均余疑黃函所謂秋原先生所撰志稿者或即此歟惜而影鈔以供覈實按其內容與李志無異僅多藝文數篇而已按李彭舊序無尾語道及此事豈石志未寓李彭之目歟抑以石志簡畧而故省之歟復李牧承乏於咸同兵燹之後城郭圯墟倘不獲石志為藍本採訪亦不易得嘉道以前事可斷言也茲無論其為仕志為石志為李志為彭志及其某者詳某者畧或兩者相同然皆有裨於鎮甯之志事也前輩賢達苦心孤詣今吾儕不避續貂之嫌敢掠前人之美乎

建議以見於前賢舊稿者雖倍鐫一鑑而必標明其原委并將其
原序及編纂諸人表列卷首眾皆曰善決以九月一日謀始十二
月終歲事惟饒雷兩君負人物銓選藝文魯徐兩君負地理職官
經制魯君同負營建白君負民生程白兩君負宗教祠祀高彭兩
君負民風物產杜程兩君負庶政程雷白三君與余負前事兼馬
志餘分工合作以野第一困難根據石李兩志佐以歷次訪稿其
不備者序五承模復重而採之有殘缺者窺探典籍擷英擷華旁
及省府州縣各志復賴省志編輯萬君仿韓代覓弘治圖經及嘉
靖通志鈔本余就而錄出有裨吾志者以弭第二關佚便幸得鄉
人士了解此作關係綦重踴躍捐輸以解第三艱鉅或者曰鎮寧